



Broj: 01,02,03,03/11-05-1-665/19

Sarajevo, 20. 5. 2019.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO.		28-05-2019	
Organizaciona jedinica	Klasifikaciona oznaka	Redni broj	Broj priloga

IZVJEŠTAJ

sa Šeste sjednice Globalne platforme za smanjenje rizika od katastrofa, Ženeva, Švicarska, od 15. do 17. maja 2019.

Parlamentarnu skupštinu BiH na Šestoj sjednici Globalne platforme za smanjenje rizika od katastrofa, koja je u organizaciji Interparlamentarne unije (IPU), Ureda Ujedinjenih naroda za sprečavanje rizika od katastrofa (UNISDR) i Vlade Švicarske, održana u Ženevi predstavljao je delegat u Domu naroda PSBiH Bariša Čolak.

Šestom sjednicom Globalne platforme za smanjenje rizika od katastrofa predsjedavali su gosp. Manuel Sager, državni sekretar Vlade Švicarske, i gđa Mami Micutori, specijalna predstavnica Ujedinjenih naroda generalnog sekretara za smanjenje rizika od katastrofa. Sesiji su prisustvovali učesnici iz 182 zemlje. Globalna platforma pozvala je na ubrzano djelovanje u postizanju sedam ciljeva Sendai okvira za smanjenje rizika od katastrofa 2015-2030 i naglasila važnost smanjenja rizika od katastrofa za postizanje Agende za održivi razvoj do 2030. godine, te doprinos Sendajskog okvira Pariskom sporazumu, Agendi za humanost, Novoj urbanoj agendi i Putu SAMOA.

Globalna platforma za 2019. analizirala je uspostavljanje Sendaji okvira, na osnovu podataka koje su države članice dostavile Nadzornom okviru Sendaija. 116 zemalja dostavlja izvještaje putem Nadzornog okvira Sendaija, što predstavlja ključni korak ka boljem razumijevanju rizika i ostvarivanju ciljeva održivog razvoja u skladu s rizikom. Posvećenost saradnji bila je očigledna, što je ilustrirano prvom zajedničkom deklaracijom zainteresiranih strana koja je objavljena na Globalnoj platformi. Zemlje su pokazale snažnu posvećenost multilateralizmu u ostvarivanju integrativnih pristupa smanjenju rizika od katastrofa, ublažavanju klimatskih promjena i prilagođavanju, te održivom razvoju.

Tokom rasprave zemlje su pozvale na veću pomoć u razvoju baze podataka o gubicima u katastrofama, koje su neophodne za izvještavanje. Istaknuto je da povećana saradnja između lokalnih i centralnih vlada i zainteresiranih strana, uključujući privatni sektor i civilno društvo, može pretvoriti podatke o rizicima u razumljive i upotrebljive informacije.

Na konferenciji je posebno istaknuta i uloga medija, koja treba da bude ojačana kako bi efikasno doprinijeli smanjenju rizika od katastrofa tako što će osigurati kritičnu

komunikacijsku infrastrukturu na mjestu i funkcijama, pružajući informacije koje će pomoći zajednicama da smanje rizik i kako da potraže pomoć u slučaju katastrofe.

Naglašena je potreba za strategijama i planovima za smanjenje rizika od katastrofa na lokalnom nivou kako bi se osiguralo provođenje nacionalnih strategija. Nacionalne vlade treba da omoguće razvoj i provođenje lokalnih planova i strategija.


Učesnici su istakli potrebu da svi sektori na svim nivoima izdvajaju budžeta za smanjenje rizika od katastrofa, te su pozvali na prenošenje većih finansijskih sredstava lokalnim vlastima kako bi ih osnažili i odredili prilagođene pristupe koji su usmjereni na smanjenje rizika, uključujući i finansiranje zasnovano na prognozama. Zemlje su također pozvale donatore i međunarodne finansijske institucije da integiraju smanjenje rizika od katastrofa u svoju razvojnu pomoć, s posebnim mehanizmima za ugrožene i zemlje izložene problemima dugova. Najmanje razvijene zemlje, zemlje u razvoju koje nemaju izlaz na more, i male ostrvske države u razvoju treba da budu u fokusu povećane tehničke podrške, izgradnje kapaciteta i finansijske podrške za smanjenje rizika od katastrofa i izgradnje otpornosti, naglašeno je tokom rasprave.

Sveobuhvatna poruka Globalne platforme bila je da se otpornost isplati. Snažan poziv upućen je liderima na svim nivoima da osiguraju podijeljenju otpornost za sve. Investicije zasnovane na riziku su neophodne za održivi razvoj i inkluzivna društva.

Učesnici su pozvali na veću političku posvećenost potpunoj integraciji smanjenja rizika od katastrofa u ostvarivanju ciljeva održivog razvoja.

Izveštaj pripremila:

Sevda Valjević



Izveštaj odobrio:

Delegat u Domu naroda
PSBiH

Bariša Colak



Dostaviti:

- Kolegiju Predstavničkog doma PS BiH
- Kolegiju Doma naroda PS BiH
- Kolegiju Sekretarijata PS BiH
- Komisiji za vanjske poslove Predstavničkog doma PS BiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektor za odnose sa javnošću Sekretarijata PS BiH
- Sektor za međunarodne odnose i protokol PS BiH
- Ministarstvu vanjskih poslova BiH
- a/a